



Broj: 1-50-1220/20
Sarajevo, 04.09.2020. godine

MEDIJIMA

SAOPŠTENJE ZA JAVNOST VEZANO ZA RADIOLOŠKI INCIDENT KOJI SE DESIO U OBJEKTU, A KOJI SE NALAZI NA LOKACIJI SARAJEVO, NASELJE STUP, PROSTOR BIVŠEG ENERGOINVESTA

Državna Regulatorna Agencija za Radijacionu i Nuklearnu Sigurnost (DRARNS) kao institucija zadužena za provođenje Zakona o radijacionoj i nuklearnoj sigurnosti u Bosni i Hercegovini („Službeni glasnik BiH” broj 88/07), što uključuje i nadzor nad stanjem u pogledu radijacione sigurnosti građana i životne sredine ovim putem želi da informiše javnost o radiološkom incidentu.

Radiološki incident se desio prilikom početka radova na jednom od objekata na lokalitetu Energoinvesta u decembru 2019 godine. Tom prilikom je došlo do unutrašnje kontaminacije u objektu prouzrokovane radioaktivnim materijalom Cs-137. Prema svim dosada utvrđenim činjenicama, ovaj radijacijski incident prema INES-ovoj¹ skali se klasifikuju kao najniži nivo tj. „Nivo-1“.

Odmah po saznanju za problem DRARNS je u skladu sa svojim nadležnostima poduzeo sve neophodne aktivnosti i mjere u cilju pravovremene sanacije situacije kao i rješavanja problema. Tom prilikom DRARNS je propisao mjere, kojim je obavezao vlasnika objekta o njihovim obavezama u novonastaloj situaciji.

Od tog trenutka DRARNS prati situaciju i u skladu sa svojim nadležnostima poduzima sve neophodne radnje kako bi ovaj problem bio saniran u najkraćem roku, a sve u skladu sa postojećim zakonodavstvom i međunarodnim standardima.


Centar za zaštitu od zračenja Zavoda za javno zdravstvo FBiH, kao licencirana ustanova osposobljena za dekontaminaciju, kontrolu radijacione sigurnosti je od početka dešavanja učestvovao u rješavanju problema. Za ove potrebe DRARNS je u skladu sa dobrom praksom u međunarodnoj saradnji uključio stručne i licencirane kuće i stručnjake iz Hrvatske i Srbije koji su bili od velike pomoći. Ove stručne osobe koje imaju puno veće iskustvo u ovakvim poslovima će i dalje ostati angažovane u rješavanju ovoga problema, zajedno sa nama.

DRARNS ovim putem želi da obavijesti javnost u Bosni i Hercegovini, a posebno građane naselja Stup, kao i sve one koji rade ili prolaze na ovoj relaciji da je kontaminirani objekat obilježen i obezbjeđen zaštitom od neovlaštenog pristupa 24 sata svakog dana.

¹ INES skala (eng. International Nuclear and Radiological Event Scale): Međunarodna skala za razvrstavanje nuklearnih i radioloških događaja Nivo 1-7, publikacija: INES: The International Nuclear and Radiological Event Scale User's Manual 2008 Edition, published 2013.

Uprava DRARNS-a putem inspekcije prati stanje nivoa zračenja na objektu i u okruženju i ovom prilikom informišemo javnost da ne postoji povećana radioaktivnost izvan obilježenog objekta. S obzirom na prethodno, DRARNS smatra da ne postoji razlog za zabrinutost za zdravlje stanovništva i životnu sredinu, pa stoga molimo medije, kao i građane da ne dižu paniku i ne podliježu glasinama.

Ovom prilikom pozivamo sve građane da obavjeste nadležne organe ukoliko primjete pokušaj neovlaštenog pristupa u obilježeni objekat. Takođe ovom prilikom želimo da izrazimo našu spremnost za saradnju i sa drugim stručnim osobama iz oblasti zaštite od radijacije ili zaštite životne sredine iz Bosne i Hercegovinesa ili regiona, a koji smatraju da mogu dati svoj doprinos u rješavanju ovoga pitanja da se jave DRARNS-u radi saradnje, putem maila ili telefona.



DIREKTOR

Marinko Zeljko
Marinko Zeljko